

SS13
007-2
1部26



本經主寒熱鼠瘻。鮓死肌風痺。腹中堅癖。邪氣發明。時珍云。礬石與砒石相近。性亦相類。但礬石畧帶黃暈。礬石全白。稍有分辨。而古方礬石與礬石常相渾書。二字相似。故誤耳。然礬石性寒無毒。礬石性熱有毒。不可不審甄權除膈間積氣。冷溼風痺。瘡癢。積十年者。仲景云。生用破入心肝。嚴冬以此置水中。則水不冰。其熱毒之性不減。礬石今藥肆中往往以礬石而礬石僅可破積攻痺。不能開痰散結。是以勝金丹截瘧丹服之不効者。良由誤用礬石之故。按王子敬靜息帖言。礬石深是可疑。凡喜服寒食散者。輒發癰毒。故云深可疑也。以其毒烈。乾永最速。故

丹房目爲仙藥。凡山中有礬則春不生草，冬不積雪。而鼠食則斃，蠶食則肥。物類之宜忌，有不可解者。其特生礬石，有蒼白、紫、桃花色、金星、銀星等類，其毒不同。異惟出金火中者，名握雪礬石，雖溫無毒，與土迥爲不同。

砒石

出信州故又名信石

苦辛大熱大毒。色白有黃暈者名

金脚砒

鍊過者曰砒霜。色紅者最劣，不堪入藥。畏麝

豆芽茶。冷水入藥醋煮用。或與芽茶同用。或與浸淫

生菜豆仁同研，以殺其毒。中其毒者，以生羊血解之。

冷水多灌亦解。若犯火酒，必不可救。

發明

砒霜瘡家常用。人口則吐利兼作。吐後大渴。

則與萊豆湯飲之。砒性大毒。誤食必死。奈何以必死之藥治必不死之病。豈不殆哉。然狂癡之病。又所必需。勝金丹用之。無不應者。枯痔散與天靈蓋同用。七日痔枯自落。取熱毒之性。以枯歹肉。天靈蓋以透骨。髓散宿垢。長肌肉也。

礞石 辛鹹平。無毒。色青者入肝。力勝。色黃者兼脾。次之。硝石煨過。杵細水飛用。

發明 青礞石厥陰之藥。其性下行。治風木太過來制脾土。氣不運化。積滯生痰。壅塞膈上。變生風熱諸病。故宜此藥重墜以下泄之。使木平氣下。而痰積通利。諸證自除矣。今人以王隱君滾痰丸通治諸痰怪。

證不論虛實寒熱槩用殊爲未妥不知痰因脾胃不能運化積滯而生膠固稠粘者誠爲合劑設因陰虛火炎煎熬津液凝結成痰如誤投之則陰氣愈虛陽火彌熾痰熱未除而脾胃先爲之敗矣況乎脾胃虛寒食少便溏者得之泄利不止禍不旋踵若小兒多變慢脾風證每致不救可不慎歟

花乳石

一名花藥石

酸辛溫無毒出陝華諸郡色黃中

有淡白點以此得名又代州山谷中有五色者制法以花乳石五兩同硫黃二兩入煬成罐內鹽泥固濟加頂火煨過研細水飛用

發明花乳石產硫黃山中其性大溫厥陰血分藥

也。葛可久治虛勞吐血。有花藥石散。以其性溫善散
瘀結也。和劑局方治金刃箭傷打撲垂死。外有損處
以煨過細末。摻傷處。血化黃水。再摻卽活。如內有損
血入藏府。煎童子小便。入酒少許。調灌一錢七。立效。
婦人產後惡血衝心。昏暈不省。或胎死腹中。胞衣不
下。致死。但心胸溫暖者。急以童便調灌一錢。取下惡
血。卽安。若膈上有血。化爲黃水。卽時吐出。或隨小便
出。甚效。但陰虛火炎。中無瘀積者。誤用必殆。

河沙 微寒無毒。

發明 河沙得水土之氣。故夏月發痲子。通石淋。主
絞腸沙痛。用沙炒熱。冷水淬之。澄清服效。又風溼頑

痺不仁。筋骨攣縮。六月取河沙曝熱。伏坐其中。冷卽易之。取微汗。忌風冷勞役。不過數次。愈。其王四沙。夏月發麻疹良。

石燕 甘寒無毒。

發明 石燕出所陽西北江畔砂灘上。形似蜎而小。堅重於石。俗云。因雷雨則自石穴中出。隨雨飛墮者。妄也。其性寒涼。乃利竅行溼熱之物。故能療眼目障翳。磨水不時點之。熱淋煮汁飲之。婦人難產。兩手各執一枚。卽下。然不若磨汁飲之。僅似有理。

石蟹 鹹寒無毒。

發明 石蟹生南海近海州郡。皆有之。體質石也。與

蟹相似。或言崖州榆林港內土極細最寒。不能運動。片時成石。亦妄言也。其性鹹寒。質堅。能成瘰癧。積故青盲目淫。膚癢。下瘳。漆瘡。皆水磨點塗。催生下胎。療熱極。血暈。熱水磨服。

蛇黃 溫微毒

發明 蛇黃生蛇腹中如牛黃之類。世人因其難得。遂以蛇含石醋煨水飛代之。取蛇之性竄入肝也。蛇含石入手足厥陰血分。與代赭之性不甚相遠。爲小兒鎮攝驚癇之重劑。脾風泄瀉者宜之。

霹靂砒 溫無毒

發明 雷模稟東南木火之氣。治小兒驚癇。磨汁服。

本經通原
之作枕辟惡夢不祥鎮邪瘧刮屑殺瘰癧下熱毒瘡
箱實不生蛙蟲佩之安神治驚邪之疾

鹵石部

食鹽

鹹寒無毒

本經主結熱喘逆胸中病令人吐

發明

鹹走腎走血腎病血病人無多食鹽以血得

鹹則凝也

補腎藥用之不過倍爲引導耳乾霍亂及

臭毒頭疼腹痛多用鹽水吐之本經所主結熱喘逆

者以鹹能下氣過鹹則引涎水聚於膈上而涌之也

好食鹹者人多黑色耗血之驗也病水腫忌食以其

走腎助邪水之逆滿也千金治妊婦橫生逆產先露



手足以鹽摩產婦腹并塗兒手足急以爪搔之即縮
八而正產又殺蠱毒凡水蛭蚯蚓得鹽即化為水毒
蟲螫者以鹽擦之其毒即解鹽之味鹹性降下氣最
速治下部蟲瘡吐胸中痰癖止心腹卒痛不可多食
傷肺喜欬扁鵲云能除一切大風痛炒熱熨之今人
救朱魚噉雷電暴雨欲死但口微動者速將鹽少許
調水貯魚於中時時微動其水即活鱗尾有損處以
鹽塗之即生出鹽為水之精專得涵養之力也今人
食蒸兩潦水腹脹以鹽湯探吐即安其解水毒可知
戎鹽一名石鹽俗名青鹽與光明鹽同類鹹寒無毒

本經主明目目痛益氣堅筋骨去毒蠱。

發明 戎鹽稟至陰之氣凝結而成。不經煎鍊。王涯
洙之陰功專走血入腎治目中瘀赤昏澁。金匱茯苓
戎鹽湯治小便不通取其補腎利膀胱也。又能固齒
明目治目痛益氣堅筋骨。一皆補腎之力。本經首主
明目目痛。是熱淫於肉治以鹹寒。又言去毒蠱者鹹
能與堅。蠱毒邪氣不能浮長矣。

鹵鹼

一名石鹼

苦鹹微寒無毒。

本經主大熱消渴狂煩除邪及下蠱毒柔肌膚。

發明

鹼味鹹性走故能消痰磨積祛熱煩蠱毒消

渴屬實熱者宜之。肌膚粗者以湯洗之頑皮漸退是

即柔肌膚之謂也。○水鹼乃甞灰淋湯沖銀黝脚所

造性能發麪。故麪舖中無不用之。病人食之多發。浮腫故方後每忌溼麪。觀其善滌衣垢。尅削可知。凝水石水石即寒水石辛鹹寒無毒。近世真者絕不易得。欲驗真偽。含之即化為真。否即是偽。石膏亦名寒水石。與此不同。

本經主身熱腹中積聚邪氣。皮中如火燒煩滿。

發明 寒水石生積鹽之下。得陰凝之氣而成鹽之

精也。治心腎積熱之上藥。本經治腹中積聚。鹹能軟

堅也。身熱皮中如火燒。鹹能降火也。金匱風引湯局

方紫雪皆用以治有餘之邪熱也。如無真者戎鹽玄

精石皆可代用。總取鹹寒降泄之用耳。

玄精石

辛鹹寒無毒青白龜背者良。

本經除風冷邪氣溼痺益精氣。

發明

玄精石稟太陰之精與鹽同性故其形皆六

出象老陰之數也。本經言味鹹氣溫傳寫之誤其氣

寒而不溫其味辛鹹沉降同硫黃硝石治上盛下虛

收陽助陰有扶危拯逆之功。來復丹用之專取一陽

來復之義寒因寒用深得本經諸治之奧。

朴硝。辛苦鹹寒有毒黃者傷人赤者殺人。人藥必

取白者。以水煎化澄去滓。人茱服自然汁同煮傾入

盆中。經宿結成如冰謂之盆硝。齊衛之硝。上生鋒芒

謂之芒硝。川晉之硝。上生六稜謂之牙硝。取芒硝再

三以萊菔汁煉去鹹味懸當風處吹去水氣輕白如粉謂之風化硝以芒硝牙硝同萊菔汁甘草煎過鼎

罐昇煨謂之玄明粉

本經主五藏積熱胃脹閉滌蓄結飲食推除積除

邪氣

血錯簡在硝石條內今正之詳治五藏等證皆熱邪固積決非硝石所能

發明

熱淫於內治以鹹寒堅者以鹹更之熱者以

寒消之不出本經推陳致新之妙用仲景大陷胸湯

大承氣湯調胃承氣湯皆用芒硝更堅去實且帶微

辛所以走而不守若熱結不至堅者不可輕用小兒

赤遊風芒硝傾湯中取布蘸溼拭之

玄明粉

名白龍粉

辛甘微寒無毒

發明 玄明粉用芒硝煨過多遍。佐以甘草。緩其鹹寒之性。用治膈上熱痰。胃中實熱。腸中宿垢。非若芒硝之力峻傷血也。然脾胃虛寒。及陰虛火動者。慎勿輕用以取虛虛之咎。

風化硝 甘鹹寒無毒

發明 風化硝甘緩輕浮。故治上焦心肺痰熱。而不致於泄利者。宜之。并治經絡之痰溼。但重著而非痠痛者。用之有效。指迷茯苓丸。治痰溼流於肩背之陽位。而隱隱作痛。最爲合劑。然惟體肥氣實者爲宜。眼瞼赤腫。和人乳點之。

硝石

卽焰硝

辛苦鹹溫有毒。溶化投甘草結定取用。

本經主百病除寒熱邪氣逐六府積聚結固留癖能

化七十二種石諸家本草皆錯簡在朴硝條內詳化七十二種石豈朴硝能之

發明 煇硝屬火其性上升能破積散堅治諸寒熱

交錯之病升散三焦火鬱調和藏府虛寒除寒熱邪

氣逐六府積熱不出本經主治也別錄言天地至神

之物能化七十二種石抱朴子亦云能消柔五金此

七十二石其錯簡可知與硫黃同用即配偶二炁均

調陰陽有升降水火之功治冷熱緩急之病蓋硫黃

性煇而利其性下行硝石性煇而散其性上行一升

一降此制方之妙也

礞砂 鹹苦辛熱有毒醋煮乾刮下用番隅者良畏

本經主百病除寒熱邪氣逐六府積聚結固留癖能化七十二種石

酸漿水忌羊血中其毒者生菜豆研汁恣飲解之。

發明 礪砂大熱乃鹵液所結秉陰毒之氣含陽毒

之精破積攻堅無出其右故能治噎膈反胃積塊肉

癥其性能柔金銀故鐸藥用之所言化人心爲血者

甚言其迅利也外用治惡肉除疣贅去鼻中瘰肉最

提但不可過用用過急以甘草湯洗之觀金銀有偽

投礪砂罐中悉能消去況人腹中有久積死胎豈不

腐潰但其性毒烈苟有生機慎勿輕試。

蓬砂一名勝砂甘微鹹無毒甘草湯煮化微火炒鬆用

發明 蓬砂味甘微鹹氣溫色白而質輕能去胸膈

上焦之實熱素問云熱淫於內治以鹹寒以甘緩之